



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Mater Amoris Et Doloris

Ginther, Anton

Augustæ Vindelicorum, 1711

**VD18 15312348**

Consideratio III. Dolorosa Virgo, quia Dolorosa, non ab Originali tantum, sed etiam ab omni actuali labe imunissima. Emblema. Porta signata & clausa, cui Angelus percutiens non poterat nocerecum ...

[urn:nbn:de:hbz:466:1-47286](https://nbn-resolving.org/urn:nbn:de:hbz:466:1-47286)


# CONSIDERATIO III.

Dolorosa Virgo, quia dolorosa, non ab originali tantum, sed etiam ab omni actuali labe immunissima.



*Erit autem sanguis vobis in Signum.*

*Exod. 12. 13.*

I.  Bstupesco, quoties mecum attentiore mentis oculo considero, quod olim summus legislator DEUS Hebræorum domorum postes voluerit sanguine agni immaculati, tempore Paschali immolati, aspergi, ne ab Angelo vastatore eorum primogenita occiderentur : *Erit autem sanguis vobis in signum in aedibus, in quibus eritis ; Et videbo sanguinem, Et transibo vos: nec erit in vobis plaga disperdens, quando percussero terram Egypti.* Ad quid, obsecro, hic sanguis per modum crucis (pro-  
*Exod. 12. 13*  
*Mater Dolorosa.* D ut

ut observant SS. Patres ) utrique postis & superliminari ostij aspersus ? & quomodo cruor ille tessera esse poterat salutis ? an Angelus vastator hoc fortasse corporeo indigebat signo ? Minimè, quia Angelus erat & quidem bonus, prout rectè monet Cornelius, idèd per se satis viderat, quænam ædes Israëlitarum, & quænam Ægyptiorum erant habitacula.

Observe hîc, prudens Lector ! peculiare mysterium. Sanguis ille Agni per modum crucis in superliminaribus portarum aspersus elegantissimus typus fuit divini illius cruoris, quem Divinus ille Agnus in ara Crucis pro salute universorum, & in copiosam animarum redemptionem erat profusus, per quem sanguinem ab ira ventura & à morte perpetua misericorditer liberati sumus : *Lavit nos à peccatis nostris in sanguine suo.* Ex qua pulcherrima figura hoc nunc formo argumentum : Si cruor ille agni typici in porta aspersus primogenita quondam Israëlitarum à morte conservavit immunita, quantò magis divinus ille Sanguis immaculati Agni JESU Christi in cruce & passione sparsus à morte & ab omni peccati labe præservavit immunem Dolorosam Virginem & Sanctissimam Deiparentem MARIAM, quam Spiritus Sanctus nominat *Primogenitam omnium creaturarum*, & in alio loco : *Ab eterno ordinata sum, & ex antiquis antequàm terra fieret ; nondum erant abyssi, & ego jam concepta eram &c.* Proinde meritò huic portæ semper clausæ, de qua Ezechiel vaticinatus est : *Porta hæc clausa erit : non aperietur ; quoniam Dominus Deus Israël ingressus est per eam*, rectè prolemmate inscribere possumus :

Signatur, ne perdatur.

Hic velim, cogitationem tuam figas, prudens Lector ! Si enim Salomon tam peculiari amoris & honoris significatione excepit matrem suam Bersabæam : *Et surrexit Rex in occursum ejus, adoravitque eam, & sedit super thronum suum ; positusque est thronus matri Regis, que sedit ad dexteram ejus.* Quo honore exiltimas, quòd ipse DEI Filius, qui plus est quàm Salomon, SS. Matrem suam in mundum ingredientem excepit ? an non pari ratione ipsi dixit : *Pete Mater mea, neque enim fas est, ut avertam faciem tuam &c.* Sed longè ab electissima sua Matre faciem suam avertisset, si eam permisisset aliquando diabolo per peccatum fuisset subditam, DEO summè odibilem, & æternæ damnationi vel ad tempus subjectam ; quid enim apud cælestes illos Spiritus magis infame esse potest, quàm peccatum, ac præsertim mortale, quale & originale est ? audi S. Vincentium Ferrerium ex Sacra D. Dominici familia nobile

ac fulgentissimum sidus, qui illa verba: *Fiat lux* ex Genesis primo mutata, eleganter ad immaculatam B.V. MARIE conceptionem accommodat: *Non credatis, inquit, quia (lux) fuerit sicut in nobis, qui in peccatis concipimur: sed statim ac anima fuit creata, fuit sanctificata, & statim Angeli in caelo celebrarunt festum conceptionis &c.*

S. Vinc. Ferr. in Serm. 2. de Nat. Virg.

2. De Jeremia Propheta referunt Sacrae Paginae, quod aliquando à DEO jussus fuerit, ut ad domum figuli se conferret, ejusque opera ac figmenta oculo attentiore consideraret: *Descende in domum figuli.* Jerem. 18. 2. Contigit, ut figulus opus suum super rotam & stellam faceret, illud in vas debitum formando ac complanando; & ecce dum sedulo operi incumbitur, subito inter manus artificis vas illud luteum confringitur, & in partes dissolvitur, quod lutum nihilofecius figulus de terra colligens in novam formam redegit, & inde *vas in honorem*, ac priore longè excellentius confecit: *Conversusque fecit illud vas alterum, sicut placuerat in oculis ejus.*

Adverte anime mi! per vas primum illius figuli tam citò confractum rectè Eva omnium mortalium parens prima intelligitur ex luto terrae & costa Adami à DEO summo artifice formata, quod tamen vas mox in ortu suo ex insidijs diaboli & infernalis serpentis lugendum in modum per peccatum contritum, atque dissipatum est: *Facta est tanquam vas perditum*; per secundum autem vas à DEO fabricatore longè excellentiore modo formatum subaudiri debet SS. Deipara, & incontaminata semper Virgo MARIA, ab omni peccato originali & actuali per merita Sanguinis Christi autecedenter illi applicata semper immunis, quæ licet secundum carnem, teste B. Petro Damiano, ex eadem lutea Adami massa sit formata, maculas tamen Adæ non admisit; ea propter à Spiritu S. hoc insigni elogio exornata fuit: *Vas admirabile, opus Excelsi*; & à S. Andrea Apostolo Terra nunquam maledicta, de qua secundus & melior Adam à Spiritu S. formatus est: *Sicut primus Adam, inquit, formatus fuit ex terra, antequam esset maledicta: ita secundus formatus est ex terra virginea nunquam maledicta*; unde non incongruè Poëta:

Psal. 30. 23.

B. Dam. Ser. de Assumpt. B. V. Eccli. 43. 2.

Salazar e. 42. fol. 357.

*Femina vas luteum est, ex omnibus una MARIA  
Eruta Virgo luto est, sed tamen absque luto.*

3. Progrediamur ulterius. Inter alia divinæ potentiae admirabilia non postremum sibi locum vendicat columna illa, quæ populum Israëliticum per desertum ac mare Rubrum modo prorsus stupendo



in Palestinam traduxit. Erat autem hæc columna interdum ad instar nubis, Hebræorum castra inumbrans, & cum incederent, à gravi æstu defendens; de noctu verò tantum luminis subministravit, ut universum exercitum undequaque illuminaret, & omnibus in tentorijs extitibus in medijs tenebris pro luce inserviret: *Nequaquam defuit columna nubis per diem, nec columna ignis per noctem.*

Exod. 13. 22.

Quod olim Hebræis hæc columna nubis & ignis, hoc nobis Christianicis est Dolorosa & immaculata Virgo MARIA; columna ignis fuit, in medijs tenebris mirè refulgens, quando sine ulla peccati originalis labe (quæ tamen tenebræ omne genus humanum comprehenderunt) sola per divinam gratiam, mirabiliter eam præservantem, concepta, & in lucem nata est, cui mysticæ & igneæ columnæ rectè pro epigrapha inscribes: *In tenebris lucet*; vel illud S. Joannis: *Et tenebræ eam non comprehenderunt*; columna verò nubis tunc potissimum extitit, quando à moriente in cruce Filio in Matrem nobis commendata est: *Ecce Mater tua*, ex quo tempore hæc mystica nubes devotos sibi clientes mirè inumbrare, protegere, atque ab æstu iræ divinæ defendere cæpit, proinde rectè S. Epiphanius hanc Dolorosam Virginem appellat *Nubem cælestem imbrem demittens, quò terra irrigatur.*

Joan. 1. 5.

S. Epiph. orat. de laud. de B. V.

4. O pientissima Virgo! quid ulterius dicam de te? In magnificentissimo illo sapientissimi Regis Solimæi templo, dum ædificaretur, nullus malleorum ictus, *securis & omne ferramentum non sunt audita.* Per hoc templum, subintrat hic S. Ildephonus, unicum Factoris sui templum MARIA præsignata est, quod nullis peccati originalis, aut actualis, vel venialis ictibus fuit subjectum.

3. Reg. 6. 7.

S. Ildeph. de B. V. c. 10.

In levitico quondam DEUS sanxit, ut victima prorsus immaculata sibi offerretur: *Masculum immaculatum offeret &c.* Quomodo ergo poterat Beatissima Virgo, quæ se ipsam in Filio suo in monte Calvario DEO T. O. M. in vivam præsentavit victimam, aliquâ peccati lue esse commaculata?

Levit. 1. 3.

Nabuchodonosor Rex selectissimos sibi elegit pueros, in quibus nulla esset macula, decoros formâ, & eruditos in omni sapientia, ut quotidie coram se adstarent, & Majestati regie inservirent. Et DEUS sibi elegisset Matrem aliquâ peccati forde sædatam? absit, absit; hæc enim ignominia redundasset in Filium.

Dan. 1. 4.

Assuero potentissimo Persarum Regi ex universis amplissimi regni sui provincijs fuerunt quæsitæ speciosissimæ puellæ ac virgines, inter quas

quas sola placuit Hebræa Esther, quia erat pulchra nimis & decora facta. Et DEUS Rex regum & Dominus Dominantium sibi talem selegisset Matrem peccati aliquando cæno conspurcatam? quæ conventio lucis & umbræ?

Esther. 2. 7.  
Apoc. 19. 16.

Ros cœlestis in solum vellus Gedeonis descendit: Ros in solo vellere, dum interim universa terra sicca permansit. Supra quod perelegantur S. Doctor Mellifluus: Beatam Virginem, inquit, Gedeonis vellus, dum in medio sicca area maduit, præsignavit, dum mortales omnes hoc singulari gratiæ rore erant privati, ita quidem, ut prius peccati hæreditarij lue inficerentur, antequam nascerentur in lucem, hæc sola rore gratiæ à Spiritu S. præventa est: Ros in solo vellere.

Judic. 6. 37.  
S. Bernh.  
Serm. in c.  
12. Apoc.

Cùm Sennacherib Rex Assyriorum, vastatâ Ægypto & Asiâ universâ depopulatâ, urbem Solymæam formidabili obsideret exercitu, Dominus per Isaiam Regi Ezechix respondit: Civitatem hanc non ingreditur: protegam urbem hanc, & salvabo eam propter me. Et nunquid B. Virgo civitas DEI est, de qua gloriosa dicta sunt? ita Doctorum Phoenix S. Augustinus, & à B. Petro Damiano appellatur Civitas vivens Regis exercituum, & civitas refugij; non ergo decuit, ut hostis infernalis hanc Civitatem DEI ingrederetur, & per aliquod peccatum in suam redigeret potestatem: Salvabo eam propter me.

4. Reg. 19.  
34.  
S. Aug. l. 7.  
de Civit. c. 6.  
B. Pet. Dam.  
de dormit.  
B. V.

Michaël & Angeli boni draconem illum magnum vicerunt propter sanguinem Agni, & propter verbum testimonij sui. Quid ergo dicemus de Matre DEI & Regina Angelorum? an non idem sanguis Agni, ac dilectissimi Filij sui ab ea omnem in Adamo lapsum longissimè avertit: Attende Seraphim, ait B. Petrus Damianus, & videbis, quidquid majus est, minus esse Virgine, solùmque Opificem opus istud supergredi?

Apoc. 12. 21.  
B. Pet. Dam.  
Ser. de annunt.

5. Ad stabiliendam istam verissimam (ut ita dicam) veritatem revocate in memoriam admirandum illum salutationis modum, quo Gabriel Archangelus hanc Sacratissimam Virginem mox DEI Genitricem futuram salutavit: Ave, inquebat, gratiâ plena, Dominus tecum &c. Cur dixit AVE & non SALVE? nunquid prorsus idem videntur significare Salve & Ave? an non universa Ecclesia Sanctissimam hanc cœli, terræque Reginam per ly Salve salutavit: Salve Regina?

Luc. 1. 28.

Adverte Lector Mariâne! hic singulare mysterium. AVE, subintrat hic Eminentissimus Hugo Cardinalis, idem sibi vult, quàm A-VE, id est sine ve; ubi totum humanum genus huic communi vae in contrahendo peccato originali erat obnoxium, hæc Sola pretiosissima

Hugo Card.  
cit. à Fineti  
in reflex.  
spir.

simam Virgo non per naturam sed per gratiam, non de condigno sed de congruo sine ullo vae, ac sine ullius noxae originalis aut actualis laebe permansit: *Cunctis*, ait praedictus Cardinalis, qui foris sunt, dicitur *ve, va*, sed *MARIAE* dicitur in conclavi *AVE*; & licet *AVE*, si litteras retro legas, nomen *EVA* monstrat, sic quod *Eva* destruxit, hoc *Ave* reparavit, qua propter non inconcinne Poeta:

*Pandit AVE angelicum, quod quondam clauserat EVA,  
Facta etenim porta est Virgo MARIA poli.*

6. Plura si desideras hujus immunitatis testimonia, accipe. Cum tributum à telonarijs Cæsaris Tiberij in civitate Capharnaum à Christo Domino exigeretur, mitissimus Servator ad Petrum se convertit, eique insinuavit, tributum non à filijs, sed ab alienis exigendum; & subjunxit: *Ergo liberi sunt filij?* Peccatum originale tributum est, cui subjacent mortales universi: *Eramus naturâ filij iræ*; sed *MARIA* est *Filia principis*, adeoque libera ab ulla pensione aut onere, quia *filia Principis erat*, ait Carthagena; Imperator enim eadem privilegia tribuit Augustæ, quæ & ipse habet; quanto ergo magis *DEUS* & *Homo* *Christus SS. Matri suæ*, quam per sacratissimam passionem suam ab omni peccati tributo præservavit?

Matth. 17.  
25.

Ephes. 2. 3.

Cant. 7. 1.

Jo. Carth. l. 1.  
hom. 9.

Exod. 3. 3.

Moyse oves Jethro pascenti apparuit *DEUS* in flamma ignis in medio rubi, ardentis quidem, sed incombusti: *Per rubum incombustum*, ait Ecclesia, *conservatam agnovimus tuam laudabilem virginitatem DEI Genitrix*; ubi omnes homines inustum stigma ab igne originalis noxae sentiebant, solum beatissima anima Dolorosæ Virginis adinstar rubi illæsa servata est, cur? quia Dominus erat in rubo; *Dominus autem in rubo*, subintrat hic Cornelius, *est Christus in cruce.*

Matth. 7. 16.

Subjungamus plura argumenta. Et quis ignorat, quod Veritas afferit: *A fructibus eorum cognoscetis eos. Nunquid colligunt de spinis uvas, aut de tribulis ficus? sic omnis arbor bona fructus bonos facit, mala autem arbor malos fructus facit: non potest arbor bona malos fructus facere, neque arbor mala bonos fructus facere.* Si ergo Christus Dominus benedictus fructus *MARIÆ* est, quomodo arbor illa aliquando maledicta esse poterat? si Angelos & protoparentes nostros creavit in gratia, quanto magis decebat, ut Regina Angelorum & Domina totius universi à primo animationis instanti sine ulla laebe crearetur? Juvat hic audire Hugonem de S. Victore: *In caelo, inquit, qualis Pater, talis Filius. In caelo imago Patris, in terra imitator Matris. Talis ergo Agnus, qualis*

Hugo de S.  
Viti Apoc.  
de Verb. in.  
1177, c. 2.

Qualis Mater Agni; ex mundis mundus: Non enim potuit arbor bona malum fructum facere, quoniam omnis arbor ex fructu suo cognoscitur. Et tandem concludit Hugo: Radix integra, ramus incorruptus.

7. Ex quibus hactenus in medium productis argumentis prudens Lector colliges, quod quidem venator ille tartareus rete inevitabile omnibus Adami filijs retenderit, ut & SS. Deiparam viâ naturæ concepti comprehenderet, sed hinc verifarum fuit illud Regij Vatis: *Cadent in retiaculo ejus peccatores: singulariter sum ego, donec transeam,* *psal. 40, 10.* Ira ô Dolorosa Virgo! ô benedicta inventrix gratiæ! inter mortales omnes tu sola transijisti hoc rete, sola, inquam, quia Mater Dolorosa eras designata talis ac tanti Filij, olim pro salute universorum crucifigendi, qui te per merita suæ passionis præservavit immunem.

Et quid dubitas adhuc? ille, qui liberavit Jonam à cete & de profundo maris; ille, qui Tres Pueros in camino ignis ardentis servavit illæfos; ille, qui Daniele de lacu rugientium, Davidem de laqueo venantium, Susannam de morte, Israëlitas à jugo Pharaonis, Ezechiam de gladio, Sennacherib, Jobum à flagellis diaboli eripuit; ille, inquam, talis ac tantus, tam immensus, tam potens non liberasset à dæmonis captivitate & peccati hæreditarij servitute ipsam suam SS. Matrem? aut potuit, aut noluit, quid dicis?

8. Vis aliqua Symbola & Emblemata de hac immunitate Dolorosæ Matris? Cupressum pinges cum inscripto: *Incorrupta vires;* Speculum, ante cujus conspectum basiliscus occisus jacet cum lemma: *Candore peremptus;* Stellam Polarem: *Non occidit una;* Laurum à fulminis ictu immunem: *Non leditur una;* Cygnum in medio aquarum non tinctum aut madefactum: *Non tingor ab unda;* Avem paradisiacam rectâ ad cælum volantem: *Nihil coinquinatum;* Pyramidem perpendiculariter à sole percussam: *Umbra nescia;* Aurum: *Rubiginis expers;* Cristallum: *Candor illæsus;* Adamantem: *Sine umbra;* Carbunculum: *Emicat unus;* Liliū seu rosam inter spinas: *Innoxia floret;* Margaritam in concha: *Cælestis origo;* Nivem recens cadentem: *Mens est ab origine candor;* Triticum in agro feminatum: *Pura genesis;* Olympum inter nubes caput condentem: *Supereminet omnes &c.* Ita est, ô Beatissima, sed & Dolorosissima Virgo! Superemines omnes, quotquot fuerint, quotquot sunt, quotquot erunt mortales: *Beata Virgo, inquit Angelicus, ex hoc, quod* *s. Thom. Aq. x. p. q. 25. est Mater DEI, habet quandam dignitatem infinitam ex bono infinito, quod* *est n. 6.*



est DEUS: & ex hac parte non potest aliquid fieri melius, sicut non potest esse aliquid melius DEO.

Hic stans delibera, quisquis es, Candide Lector! quo amore & honore, quo cultu ac reverentiâ imposterum tantam DEI omnipotentis Matrem ac Dominam tuam prosequaris, de qua recenset S. Vincentius Ferrerius, quod eam primo conceptionis momento omnes Angeli summâ veneratione coluerint, atque ei faustissimum in mundum adventum gratulati sint. Fac tu similiter, & horum exemplo excitatus paria ei defer obsequia. Amat autem hæc pientissima Virgo magis virtutum suarum strenuos imitatores, quàm vanos laudatores: Agnoscit Virgo, ait Mellifluus, & diligit diligentes se, & prope est in veritate invocantibus se, præsertim ijs, quos videt conformes sibi factos in castitate & humilitate. Ille hanc SS. Virginem Matrem compellare non meretur, qui est degener filius, neque virtutum ejus æmulator: Si filij Abrahæ estis, opera Abrahæ facite; ita quondam perstringebat Christus discipulos Judæos, qui se Abrahæ filios plenis buccis & buccinis gloriabantur, & tamen opera Abrahæ minimè faciebant, neque virtutes ejus, ut genuini filij sectabantur. Ita Sodalis ille, ac Cliens Marianus frustra sibi de purissimæ hujus Matris patrocinio blanditur, qui licet Officium de Immaculata ejus Conceptione reciter, MARIAM nominet, prædicet, festa ejus colat, in profesto jejundet &c., si hujus Dolorosæ Matris virtutes non satagit saltem pro possibili imitari: Inspice, & fac secundum exemplar, quod tibi à B.V. & Matre Dolorosa à primo animationis instanti usque ad vitæ terminum monstratum est.

& Vinc. Ferrerius. à P. Barry s. De-semb.

S. Bernb. in Serm. super Salu. Reg.

Jo. s. 39.

Exod. 25. 40.



CON